

VI PREMIO “PEDRO LAFUENTE” en aragonés

Pedro LAFUENTE PARDINA naxió en Uesca en 1929. Gran conoxedor de l'alma d'os suyos paisanos e d'a chen d'o Semontano —grazias a o tradizional ofizio d'él como *botero*—, encomenzó a colaborar en a emisora de Radio Uesca en 1964 do, a traviés de más de 750 charradas, popularizó numbrosos personaches reals e fitizios, tratatos siempre con gran respeto e amorosidat. Escritor costumbrista, replegó as tradizions e l'aragonés d'a Plana de Uesca e o Semontano oszense en *Cuentos y Romances del Alto Aragón* (1971), *El Altoaragón de tejas abajo* (1989) e *Al calor de la cadiera* (1996), títulos asaber qué interesans dende o punto de vista etnolochico e lingüístico. En 1994 fundó l'Asoziación d'a Prensa Esportiva de Uesca, d'a que estió presidén. Fenezió en a capital altoaragonesa en l'año 2000.

Por tot ixo, e con o firme deseyo de reivindicar e reconoxer o treballlo d'este polifazetico autor, investigador e divulgador d'as tradizions populares de l'Alto Aragón, asinas como espezialista d'a istoria ofiziosa de Uesca, a Conzellería de Cultura d'o Conzello de Uesca convoca o

VI Premio PEDRO LAFUENTE en aragonés

CONVOCATORIA D'O PREMIO

1º. Bi abrá cuatro categorías:

a) Premio de “Narración Curta”. Se i presentarán zinco copias de cada obra, en folio DIN-A4, a una sola cara e a dople espazio. A estensión masima d'as obras de “Narración Curta” estará d'entre 15 e 20 fuellas. En toz os casos, os escritos se presentarán en tipo Times New Roman 12 puntos, u tipos que ocupen un espazio parellano.

b) Premio de “Poesía”. Se i presentarán zinco copias de cada obra, en folio DIN-A4, a una sola cara e a dople espazio. A estensión d'as obras de “Poesía” estará no inferior a 100 versos ni superior a 300 versos, puede estar en un solo poema o un conchunto d'ers. En toz os casos, os escritos se presentarán en tipo Times New Roman 12 puntos, u tipos que ocupen un espazio parellano.

c) Premio “Zagals”, ta ra millor obra en luengua aragonesa, oral u escrita, feita por ninas e ninos entre os tres e os doze años (Educación Infantil e Primaria),

siga en o soporte que siga —papel, dichital u audiovisual—, aunque se valurarà positivamente o empleo d'as nuevas teunolochías. O treballo puede estar individual u colectivo. Cuan se presenten en soporte papel se ferà en folio DINA-4, a una sola cara e a dople espacio. A estensión estrà de dos folios como masimo y en tipo Times New Roman 12 puntos, u tipos que ocupen un espacio equivalen.

d) Premio “Interpresa”. As esferens entidaz promotoras e difusoras d'a luenga aragonesa en Aragón, y en particular aquellas que faigan parti d'o churato d'a edición, propondrán candidatos a iste premio d'entre aquellas interpresas d'a provincia de Uesca que consideren que en l'añada 2021 han favorexito a difusión y esfensa d'a luenga aragonesa.

2º. Os treballos d'as tres primeras categorías abrán d'estar en aragonés, en cualsiquiera d'as suyas modalidaz, e caldrà que sigan ineditos.

3º. Os treballos se presentarán en sobre zarrato, que abrá de portar como títol “VI Premio PEDRO LAFUENTE en aragonés”. En o interior s'incluirán dos sobres zarratos, A e B, que caldrà que indiquen títol, lema e a categoría a ra que optan sin reflexar en o suyo exterior denguna señal identificativa de l'autoría ta guarenziar a transparencia e l'anonimato d'o premio.

O sobre A, “Treballo presentato a concurso”, incluirà o treballo presentato, sin mica referenzia a ra suya autoría, e o sobre B, “Identidat”, replegarà os datos presonals d'o suyo autor/autora: nombre e os dos apellidos, l'adreza postal, o telefono, l'adreza de correu-e, puesto de naximiento e os datos biograficos que se consideren oportunos.

No podrá partizipar-bi qui no s'alcuentre a o corrién d'as suyas obligazions tributarias, con a Seguranza Sozial, por reintegro de suvenzions, asinas como qui siga incurso en beluna d'as viedas ta rezibir suvenzions estipulatas en l'artículo 13 d'a Lei Cheneral de Suvenzions. Os/as intresatos/as podrán acreditar, por meyo de documento chustificativo emeso por l'alministración correspondièn, o estar a o corrién en ditas obligazions, u bien podrán prestar o suyo consentimiento a o Conzello de Uesca ta comprobar ista información cumplimentando un documento que se lis fazarà a traviés d'a pachina web d'o Conzello de Uesca u en as instalazions d'o Zentro Cultural Manuel Benito Moliner.

Dita documentazión caldrà estar achuntata en o sobre B, que s'ubrirà, por presonal administrativo, con anterioridat a l'apertura d'o sobre A.

4º. Os treballos se ninviarán antes d'o día 21 de chinero de 2022. A presentación podrá fer-se personalmén, en orario de 8 a 15 e de 17 a 21 oras, en o Zentro Cultural Manuel Benito Moliner (antigo Matadero), Plaza Alcalde José Luis Rubió, s/n, 22005 (Huesca/Uesca). Igualmén s'almitirá o

ninviamento por correu, a portes pagatos, a ra mesma adreza, siempre que os orichinals se reziban antis de rematar o plazo indicato.

Cuan os treballos se ninvien por correu ordinario debrán remitir-se a l'adreza indicata en o cabo anterior abendo de chustificar-se a data e ora d'a imposición d'o ninviamento en a ofizina de correus e anunziar en o mesmo día (antes d'as 14 oras) a l'Area de Cultura e Fiestas a remisión d'o trebollo por meyo de correu-e (cultura@huesca.es) en o que se consine o lema d'a obra. Sin a concurrencia d'os dos requisitos no será almeso o trebollo a concurso, tampoco no si l'anunzio d'a suya presentación en correus ye rezibito por o responsable d'o Zentro Cultural mencionato con posterioridat a ra data de rematadura d'o plazo señalato en l'anunzio d'o premio. A efeutos de chustificar que o ninviamento por correu se fa dentro d'a data e ora señalatas ta l'almisión d'orichinals, s'almitirá como meyo de preba que en o correu-e se faiga referenzia a o numero d'o zertificato d'o ninviamento feito por correu.

En caso de que s'opte por mandar os treballos por correu-e a l'Area de Cultura e Fiestas (cultura@huesca.es) se debrán incluir dos archivos en o mensache: l'Archivo A e l'Archivo B. L'Archivo A, "Trebollo presentato a concurso", incluirá o trebollo presentato, e l'Archivo B, "Identidat", replegará os datos personals d'o suyo autor/autora: nombre e os dos apellidos, l'adreza postal, o telefono, l'adreza de correu-e, puesto de naximiento e os datos biograficos que se consideren oportunos. A cada partizipán li se ninviará un correu-e confirmando a recezió de ditos archivos e a correuta visualización d'os documentos. Una vez rezibitos, os archivos d'os treballos se numerarán e se ninviarán a o Churau preservando l'anonimato d'os autors.

Os criterios de valoración de concurso son os siguiens:

- 1. A calidat.** 10 puntos.
- 2. A orichinalidat e innovazió.** 10 puntos.
- 3. Implicazió d'o proyeuto con a ziudat de Uesca** A vinculazió d'o proyeuto presentato con a ziudat de Uesca e a suya redolada (culturalmén, antropolochicamén, istoricamén, visualmén...). 10 puntos.

En dengún caso se tendrán en cuenta solizituz a ras que, aplicato o baremo anterior, no pleguen a 15 puntos.

5º. A instruzión d'iste prozedimiento corresponderá a o Chefe de Servizio de Cultura d'o Conzello de Uesca. Ta reyalizar a valoración d'as propuestas presentatas se constituirá un Churato formato por zinco miembros: un representán d'o Conzello de Uesca, un representán d'o Consello d'a Fabla Aragonesa, un representán d'o Instituto d'Estudios Altoaragoneses, dos representans señalatos por a Direzió Cheneral de Pulitica Lingüística d'o Gobierno d'Aragón. Un teunico de l'Aria de Cultura d'o Conzello de Uesca autuará como secretaire, con voz pero sin de voto. A dezisió d'o Churau

constará en auto e se fará publica en a paxina web d'o Conzello de Uesca e se notificará a os ganadors en 15 días dende a súa resolución. En o procedimientu se preszinde d'o tramite d'audiencia al no fegurar otros feitos ni prebas que as aduzitas por os aspirans.

A resolución corresponderá a l'Alcalde-Presidén d'o Conzello de Uesca mediante Decreto, que posará fin a ra vía alministrativa.

6°. O Churau tendrá a facultat de resolver os dandalos u custions que l'aplicación d'ista convocatoria pueda suszitar, asinas como de determinar, en o suyo caso, a categoría a ra que opta un determinado trebollo. Asinas mesmo, podrá dixar desierto o premio en bella categoría, si considera que a calidat d'as obras presentatas no reüne a minima nezesaria.

7°. A dotación económica ta ras dos primeras modalidades ("Narración Curta" e "Poesía") ye de 500 €. A categoría "Zagals" ye dotata con un premio de 300€ en libros e material didautico destinado a l'amostranza de l'aragonés. A categoría "Empresa" ye reconoxita con un diploma e sin de dotación económica.

A suma total d'istos premios aszenderá a ra cantidat de 1.300 € imputable a ra partida 04 32603 48000 "Luenga Aragonesa. Atras trasferenzias".

8°. As obras premiadas en soporte papel podrán estar publicatas por parti d'o Conzello si asinas lo creye oportuno. L'autor/autora d'a obra ganadera atorgará a o Conzello de Uesca a propiedat d'a mesma. O Conzello de Uesca alquiere a propiedat, y en esclusiva, toz os dreitos de propiedat inteleutual inerens a o trebollo premiado e d'os distintos elementos que lo conforman, chuntos u por deseparato, asinas como a súa manipulación ta adecuar-lo a os diferens soportes publicitarios, e podrá libremén prozeder a ra reprodución, distribución, comunicación publica e trasformación en o plazo sinalato por l'artículo nº 26 d'o Texto Refundido d'a Lei de Propiedat Inteleutual, tenendo dreito a esprisar a obra por cualesquier medio u soporte tanchible u intanchible, abracando totas e cada una d'as modalidades d'esplotación, incluíndo-se os dreitos de reprodución en cualesquier soporte u formato, asinas como os dreitos de distribución e comunicación publica d'a obra, ta ra súa explotación comercial en tot o mundo. Queda expresamén incluíta a emisión e transmisión *on-line* d'a obra e a súa mesa a disposición a través d'os retes dichitals interautivos. Os concursans se responsabilizan de tot de que no existen dreitos de terzers en as obras presentatas, asinas como a ra renunzia a tota reclamación por dreitos d'imachen.

9°. O libramiento d'os premios se fará en un día que se determinará, preferenmén e siempre que siga posible, en a zelebración d'o Día Internacional d'a Luenga Materna. Os autors ganadors se comprometen a asistir a l'auto de libramiento d'os premios. Os premios s'abonarán por meyo de trasferencia bancaria, previa alportación d'a documentación acreditativa d'o cumplimientu d'estar a o corrién d'as obligacions tributarias e con a Seguranza Sozial.

10º. Os traballos no premiados podrán retirar-se do estioron depositatos a partir d'ó día 15 de febrero de 2022. Trascurritos tres meses dende ista data o Conzello de Uesca podrá dar-les o destín que considere más oportuno, sin reconoxer dreitos de reclamación u indemnización de nenguna mena. Podrá solizitar-se a devolución por correu d'os orichinals, estando as despesas de devolución a cargo d'os concursans. A organización no se fa responsaple d'as perduas u daños que puedan sufrir as obras presentatas a o concurso.

11º. A partizipación en iste premio suposa a plena azeutación d'a presén convocatoria e a conformidat con as dezisions d'ó Churau, asinas como o fallo d'ó Churau, que será inapelable.

12º. A presén convocatoria ye sucheta a ra Ordenanza Cheneral en a que s'apreban as Bases Reguladeras de Conzesión de Suvenzions d'ó Conzello de Uesca, en a suya Disposición Adizional Primera, publicata en o Boletín Ofizial d'a Provinzia, lum. 239 de 19 de diciembre de 2017 e a ro Plan Estratechico de Subenzións d'ó Conzello de Uesca 2021-2024.

13º. A presén convocatoria se publicará en o Boletín Ofizial d'a Provinzia de Uesca y en a pachina web d'ó Conzello de Uesca.

Uesca, 11 de noviembre/aborral de 2021